

Loscht op Muer ?!

Envie de demain ?!

MAACH MAT! PARTICIPE!
www.loschtopmuer.online



DAACHVERBAND VUN
DE LËTZEBUGER
JUGENDSTRUKTUREN



Lëtzebuerg de 14. Mee 2020

Léif Gestionnairen,

Léif Jugendaarbechterinnen a Jugendaarbechter,

Mat grousser Freed annoncéieren den Daachverband vun de Lëtzebuurger Jugendstrukturen (DLJ) an SOS Kannerduerf Lëtzebuerg de Lancement vu **Loscht op Muer ?!**, enger grousser Ëmfro fir Jonker tëscht 12 a 26 Joer.

Wéi liewe Jonker zu Lëtzebuerg? Wéi eng Gedanke maachen si sech? Wat sinn hir Suergen an Hoffnungen am Hibleck op hir Zukunft?

Dëse Froe wëlle mir besonnesch och virum Hannergrond vun der aktueller Covid-19-Kris nogoen, a bieden iech dowéinst, är Jonk op **Loscht op Muer ?!** opmierksam ze maachen, an hinne bei eventuellen inhaltleche Froen am Hibleck op d'Ausfëlle vum Questionnaire zur Verfügung ze stoen.

Mir hoffen, datt esou vill Jonker wéi méiglech de Froebou ausfëllen a verspriechen, datt mir eis uschlëssend als Organisatiounen fir déi Jonk an hir Besoin'en staark maachen.

All Jonken deen un dëser Ëmfro deelhëlt, huet d'Chance ee vun 3 ATB (All Terrain Bikes) ze gewannen oder un enger flotter Grupperees fir sech a säi Jugendhaus deelzehuelen.

Den Dateschutz vun deene Jonken ass eis wichteg. D'Donnéë ginn anonymiséiert a vertraulich behandelt. De Numm an d'E-Mail Adress gi just dofir genotzt, fir un der Verlosung kënnen deelzehuelen.

D'Gewënner gi bis de 15. September vun eis kontaktéiert. D'Presentatioun vun de Resultater sou wéi Remise vun de Präisser si fir den Hierscht ugeduecht. Weider Informatiounen heizou kommen nach no, an hänke vun den Entwécklungen an de nächste Wochen a Méint of.

Ee grouse Merci soe mir Sales-Lentz, déi d'Grupperees sponseren, sou wéi eisem anonymen Donateur vun de Véloen!

Mat beschte Gréiss vum Daachverband vun de Lëtzebuurger Jugendstrukturen

Matmaache kënnen Jonker bis den **1. Juli 2020** iwwert den Internet-Site:

www.loschtopmuer.online

Mir freeën eis wann dir de **Flyer** an der Annexe digital oder als Print iwwer är Kommunikatiounsweeër verbreet.

Dir hutt Froen oder Umierkungen? Da mellt iech w.e.g. op: **loschtopmuer@dlj.lu**